

OBJAVA ZA MEDIJE POVODOM PRIVREDNOG ISTRAŽIVANJA 2023

Privredno istraživanje Predstavništva njemačke privrede u Bosni i Hercegovini o privrednoj situaciji i investicijskoj klimi u Bosni i Hercegovini za 2023. je završeno. Ove godine je 70 kompanija iz BiH učestvovalo u anketi. Pitanja su obuhvatila privrednu situaciju i poslovna očekivanja te uslove na lokaciji poslovanja. Već više od jedne decenije se Privredno istraživanje smatra kao najpouzdaniji, objektivni barometar raspoloženja njemačkih i drugih (stranih) preduzeća u Bosni i Hercegovini. Ovo istraživanje se sprovodi istovremeno u još 16 zemalja srednje i istočne Evrope.

Prema ocjenama Predstavništva njemačke privrede u BiH, korona kriza i ruski agresorski rat protiv Ukrajine doveli su do preispitivanja važnosti diverzifikacije, nezavisnosti i "otpornosti" ekonomske politike i kompanija. Kao rezultat toga, sve više kompanija razmišlja o proširenju svoje mreže dobavljača. Srednja i istočna Evropa, uključujući BiH, mogla bi biti poželjna destinacija. Prema riječima zamjenice direktorice Predstavništva, Azre Ramić, BiH se stoga mora još bolje pripremiti za strukturne promjene u međunarodnoj podjeli rada. Istaknula je prioritet da domaće poslovno i investiciono okruženje bude još atraktivnije. "Samo na taj način možemo osigurati da BiH bude poželjna destinacija kada međunarodne poslovne grupacije budu odlučivale o strategijama ulaganja", rekla je ona. Dodala je da se BiH u ovoj oblasti takmiči sa zemljama u regionu, ali i sve više sa zemljama zapadne Evrope. "Želimo da BiH igra veću ulogu u ovom nearshoring-procesu. Da bismo to uradili, potrebno je povećati povjerenje investitora, što zahtijeva transparentan okvir ekonomske politike koji osigurava jednake uslove." - pojasnila je Ramić.

Exclusive Partner: **Webhelp BH d.o.o.**

Premium Partner: **STARImport d.o.o.**

Udruženje za unapređenje njemačko-
bosanskohercegovačkih privrednih odnosa
Fra Anđela Zvizdovića 1/B21
BiH – 71000 Sarajevo
ID: 4201220990001

Tel: +387 (0) 33 295 910
Fax: +387 (0) 33 295 920
E-mail: info@ahk.ba
Web: <http://bosnien.ahk.de>